



Sarajevo, 18.10.2023. godine

MEDIJIMA

## NAJAVA ZA MEDIJE

### **Sedmi sastanak Pododbora za inovacije, informaciono društvo i socijalnu politiku između EU i BiH**

Sedmi sastanak Pododbora za inovacije, informaciono društvo i socijalnu politiku između Evropske unije i Bosne i Hercegovine održat će se u četvrtak, 19.10.2023. godine, **putem videokonferencije**. Sastankom će u ime BiH kopredsjedavati Adnan Husić, pomoćnik ministrice u Ministarstvu civilnih poslova BiH.

Na sastanku će se razmijeniti informacije vezano za realizaciju preporuka Evropske komisije u oblastima obrazovanja, kulture, istraživanja, inovacija, zapošljavanja, socijalne politike, razvoja informacionog društva i audiovizuelne politike. Neke od tema su aktivnosti na izradi okvira kvalifikacija u BiH, učešće u međunarodnim studijama (PISA testiranje), pristup škola internetu, međuinstitucionalna i međusektorska saradnja, učestvovanje BiH u Erasmus + i drugim programima EU. Riječi će biti i o izradi i usvajanju strateškog dokumenta za predškolski odgoj i obrazovanje, obrazovanje odraslih, kao i pravnog i strateškog okvira u sektoru informacionog društva i medija.

U četvrtak, 19.10.2023. godine u zgradi Direkcije za evropske integracije (Đoke Mazalića 5, Sarajevo, sala na 3. spratu) bit će omogućeno snimateljima i fotoreporterima uzimanje kadrova i fotografisanje početka sastanka u 9 sati, a predsjedavajući bh. delegacije Adnan Husić će medijima dati izjavu u 13:30 sati. Direkcija za evropske integracije će nakon sastanka distribuisati saopćenje. Kontakt osoba Martina Trogrlić, glasnogovornica, mobitel 063 332 258.

Pododbor za inovacije, informaciono društvo i socijalnu politiku je jedan od sedam pododbora, zajedničkih tijela EU i BiH, osnovanih u skladu sa Sporazumu o stabilizaciji i pridruživanju u svrhu praćenja njegove primjene.

Vidi više na web stranici Direkcije <https://www.dei.gov.ba/bs/stabilization-agreement>.

Direkcija za evropske integracije